



Inatsisartunut ilaasortaq Mariane Paviasen, Inuit Ataqtigiit
/Maani

§ 37 naapertorlugu apeqqummut nr. 2024-187-imut akissut

22-08-2024
Suliap normua 2024 - 99
All. normua. 22954589

Inatsisartut Suleriaasianni § 37, imm. 1 naapertorlugu Namminersorlutik Oqartussat ingerlatseqatigiiffiutaanni aningaasarsiaritineqartut pillugit Naalakkersuisunut tullinnguuttuni saqqummiunneqartunik apeqquteqarputit. Apeqqutigineqartut tullinnguuttuni akineqarput.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl

Apeqqut 1. Naalakkersuisut pisortat/inuiaqtigiit pigisaani piginneqatigiiffinni aktiaatileqatigiiffiit pisortaanut aningaasarsiaritineqartartunut qaffasissorujus-suannut qanoq isumaqarpat?

Akissut: Ilisimatitsissutigisinnaavara "Namminersorlutik Oqartussat aktianik piginneqatigiiffiinnut piginnittuunermut politikimik Inuit Ataqtigiit, Siumut, Demokraatit Atassutillu akornanni isumaqatigiisummi 28. marts 2023-meersumi" immikkoortumi eqeersimaartumik piginnittuunermi imatut allassimasoqarpoq "...Akulerutinngin-nissamik tunngaviusumut sinaakkutit iluini Naalakkersuisut eqeersimaartumik ingerlatseqatigiiffinnut piginnittuusinnaasariaqarput. Naalakkersuisut tamanna aqqutigalugu ingerlatseqatigiiffiit Namminersorlutik Oqartussanit pigineqartut naleqarnerulersinnissaannut tapersersuissapput ingerlatseqatigiiffinnullu anguniagas-sanut tunngavissanullu pingaarnerusunut periusigineqartussanullu isummissapput".

Qullersat akissaataannik aalajangersaasarnermut tunngatillugu ingerlatseqa-tigiiffiup siulersuisa akisussaaffigalugulu suliassaraat, ingerlatseqatigiiffimmili sulisunik aqutsisunik akissarsiat ingerlatseqatigiiffinni ataasiakkaani qullersanit aalajangerneqartarput

Taamaattumik ilisimatitsissutigisinnaavara, niuernikkut illersorneqarsinnaasumik ileqquusullu atuuttut naapertorlugit ingerlatsisoqarpat, ingerlatseqatigiiffiit Namminersorlutik Oqartussanit pigineqartut namminneerlutik atorfinitsitsisarnermut akissarsiaqartitsinermullu najoqqutassaminnik aalajangersaasinnaammata, akuleruttussaanginnermut tunngaveqarneq Naalakkersuisut malimmassuk.

Namminersorlutik Oqartussat ingerlatseqatigiiffiutaanni sulisussarsiortarnermut atorfinitsitsisarnermullu tunngatillugu akulerutinnginnissamut tunngaviusoq, tassa Namminersorlutik Oqartussat ingerlatseqatigiiffiutaat namminneerlutik atorfinitsitsinermut akissarsianullu politikkiat malineqarpoq. Naalakkersuisut Namminersorlutik Oqartussat ingerlatseqatigiiffiutaannut tunngaviit aalajangersimasut akissarsianut tunngasut kiisalu ammasumik periuseqarnissaq sulissutigaat, taannalu piginnittuunermut politikki naapertorlugu suliarineqarpoq. Sulineq taanna ukiaru naammassissangatinneqarpoq.

Taassumap saniatigut Namminersorlutik Oqartussat aktianik piginneqatigiiffiini akissarsiat nassuiaasiorfigissallugit pilersaarutigaarput. Taamaalilluni naleqquttumik suliniutaasinnaasunik Naalakkersuisut nalilersuinissaminut periarfissagissaarnerussammata.

Apeqqu 2. Pisortat/Inuiaqatigiit pigisaanni aktiaatileqatigiiffinni pisortaatinneqartartunut sulinermi ajunngitsorsiassat naliginnaasut suunersut Naalakkersuisunit ilisimaneqarpat?

Akissut: Apeqqu 1-imut akissut takuuk.

Apeqqu 2a. Aappiuppat, suut sulinermi ajunngitsorsiassatut tunniunneqartartut naliginnaanerpaappat?

Akissut: Apeqqu 1-imut akissut takuuk.

Apeqqu 3. Inuiaqatigiit pigisaanni aktiaatileqatigiiffinni pisortaatinneqartartut aningaasarsiaat Naalakkersuisunit pissusissamisoortutut isigineqarpat?

Akissut: Apeqqu 1-imut akissut takuuk.

Apeqqu 4. Inuiaqatigiit pigisaanni aktiaatileqatigiiffinni pisortaasartunut ajunngitsorsiassarpassuusartut Naalakkersuisunit pissusissamisoortutut isigineqarpat?

Akissut: Apeqqu 1-imut akissut takuuk.

Apeqqu 5. Naalakkersuisut piginneqatigiiffinni inuiaqatigiit pigisaanni atuisuniit piginneqatigiiffiit pisortaannut akiliutigineqarlutillu aningaasarsiaritineqartut imminnut naappertuututut isigineqarpat?

Akissut: Apeqqu 1-imut akissut takuuk.

Apeqqu 6. Naalakkersuisut piginneqatigiilluni suliffeqarfiit inuiaqatigiinniit pigineqartut pisortaasa aningaasarsiaannut immiut naleqqunnersunngorsarniarlugit sulissuteqarnissamut piumassuseqarpat?

Apeqquut 6a. Aappiuppat, suliniutit suut ingerlanneqarpat?

Akissut: Apeqquut 1-imut akissut takuuk.

Apeqquut 6b. Suliffeqarfiit inuiaqatigiit pigisaannik ingerlatani pisortaatinneqartartut aningaasarsiaannut, sulilerminnillu ajunngitsorsiarinneqartartunut qummut killiliiniarpat?

Akissut: Apeqquut 1-imut akissut takuuk.

Inussiarnersumik Inuulluagqusillunga



Mute Bourup Egede